

# Pelajar IPTA dinasihati patuh akta universiti

Oleh S.CONNIE PEARL SUIL  
conypearl09@gmail.com  
UB 05 09 2012 B2

**KOTA KINABALU:** Penuntut institusi pengajian tinggi awam (IPTA) dinasihati agar tidak membuang masa dengan melakukan aktiviti merugikan serta melanggar akta universiti.

Pengerusi Lembaga Pengarah Universiti Malaysia Sabah (UMS), Tan Sri Abdul Hamid Egoh berkata para pelajar juga perlu bijak mengatur langkah dan sentiasa menjalin hubungan baik bersama rakan seperjuangan, pensyarah dan juga kakitangan UMS.

"Justeru, jalinan komunikasi yang baik dan semangat perpaduan dalam mempelajari norma kehidupan secara bertoleransi juga mampu mewujudkan graduan yang berkualiti setelah tamat pengajian kelak.

"Saya yakin kehadiran anda (pelajar) ke UMS merupakan satu titik mula untuk anda mengubah kehidupan sebagai seorang manusia yang memiliki



**HARUN** ketika berucap pada majlis itu.

semangat juang untuk menuntut ilmu," katanya.

Beliau berkata demikian pada Majlis Lafaz Ikrar dan Aku Janji Mahasiswa Baru UMS, di sini kelmarin. Teks ucapannya disampaikan oleh Naib Canselor UMS, Prof Dr

Mohd Harun Abdullah.

Dalam pada itu, Hamid turut menyeru para pelajar baru itu supaya memanfaatkan segala ruang dan peluang yang telah tersedia untuk melakukan perubahan dalam diri ke arah lebih baik dan bermutu.

"Segala pengalaman yang ditimba di universiti akan membentuk sahsiah diri selain mengecapi kejayaan yang pasti jika memberikan tumpuan dan perhatian kepada bidang pengajian yang diceburi," ujarnya.



**PARA** pelajar membacakan ikrar Aku Janji Mahasiswa Baru UMS.



**MAHASISWA** baru UMS yang terlibat dalam majlis ikrar itu.